

瓊山縣志卷之五

建置志五

壇廟

社稷壇宋元建在城西南明洪武二年知府宋希賢遷於城西北正德六年副使劉浩知府王子成重修康熙二十七年同知潘廷候重修乾隆四年知縣杜兆觀重修舊志其主以木爲之高二尺二寸廣四寸五分厚九分座高四寸五分闊八寸五分厚四寸五分皆硃地青書今易以石風雲雷雨山川壇同

風雲雷雨山川壇宋元在城東北明洪武建於南橋外乾隆四年知縣杜兆觀移建於城西北隅

瓊山縣志

卷五

建置五

壇廟

一

南向

上全

先農壇在東郊外藉田四畝九分原定藉穀一十七石二斗五升但瓊地瘠歲收穀僅六石五斗尙欠穀一十石七斗五升係瓊山印官捐賠遞年支穀一石四斗爲粢盛種于外餘積貯五年一糶部定價每石銀四錢五分歲支穀價四兩六錢九分二厘辦祭壇後祠屋三間廂房二間大門一間雍正六年知縣楊仙椿奉文建設乾隆十一年知縣楊宗秉重修

上全

神祇常雩不另爲壇在藉田仝山川社稷壇舉祭

上全

厲壇在城東北一里明洪武三年知府宋希賢創
建道光十四年奉裁舊志增填

府城隍廟宋元時在西關明洪武二年知府宋希
顏移建府治東南成化間知府蔣琪遷府治東
正德十四年知府曾大慶遷府治西南縣署之
東萬曆間署府事雷州府推官高維嶽又遷今
道署東以舊廟為海忠介公專祠崇禎十七年
學道林汝翥知府張允佳瓊山知縣李琦復遷
還舊廟而以道治東廟為海公祠後圯 清朝
乾隆三十九年知府蕭應植重修郡志

瓊山縣志

卷五

建置五

壇廟

二

唐郡志引之非也考太平府志城隍廟在府
治承流坊吳赤烏二年創建是三國時已有
之矣又北齊慕容儼鎮郢城城中先有神祠
俗號城隍神本北齊書梁武陵王紀祭城隍神將
烹牛有赤蛇繞牛口本隋志是南北朝時又
有之矣謂始於唐者偶未及檢耳又恭惟明
神懿皆潛德城池是保民庶是依乃開元十
五年張曲江祭洪州城隍文而志稱為燕公
祭荊州城隍疑亦有誤姑誌之候考

縣城隍廟 康熙十四年知縣茹鉉建在府城隍
右康熙二十三年知縣朱玘移近縣治東街康

熙四十四年知縣王贊重修乾隆四年颶風損壞知縣杜兆觀重修乾隆十年知縣楊宗秉重修三十九年知縣汪厘重修道光十五年知縣張德尊率紳士建修舊志增

旗纛廟在衛治左久廢今附於教場演武亭舊志節

風神祠在東關外迎春館後明萬曆四十五年重建天啓七年圯 清朝雍正十二年奉頒神號及匾額乾隆四年副使王公元樞太守李毓元知縣杜兆觀就原廢址建復廟宇乾隆十一年知縣楊宗秉重修嘉慶二十三年移於城東北隅浮粟泉左文昌閣舊址舊志增

瓊山縣志

卷五

建置五

壇廟

三

查風神靈山梁公十賢四祠向無祭銀乾隆九年知縣楊宗秉詳淮酌減本縣儒學丁祭銀八兩九錢九分八厘遞勺爲四祠辦祭之需每祠歲支銀二兩二錢四分九厘五毫舊志龍王廟在城東北金粟泉上二蘇祠舊址乾隆十七年巡道德明率屬捐建五十八年知府葉汝蘭重修邑紳吳瑾董其事郡志增

火神廟在城南文昌宮左道光二年知府史祐建文昌宮在城東北浮粟泉左嘉慶十四年知府張增捐建二十三年巡道左輔率紳士捐貲移建於城南一里圓通寺左以拔貢生王天祐董其

事郡志

關帝廟舊在府署左海南衛右明宏治初遷於抱
珥山今道署右卽所謂瓊臺也萬曆十三年太
守周希賢創正廳四十三年太守謝繼科建大
門牌坊四十五年推官傅作霖增築後臺并建
聖母祠國朝康熙十年巡道范養民太守牛天
宿重修三十一年巡道黨居易重修五十一年
巡道申大成捐貲千金修建乾隆四年六年颶
風損壞知縣江日暄重修九年副使謝欉總兵
黃有才知府于霈知縣楊宗秉協捐移建於舊
府學宮之東南北二十五丈東西八丈五尺後

瓊山縣志

卷五

建置五

壇廟

四

殿三楹正殿三楹兩傍廊房十間大門五間戲
臺一座另守廟人住房五間在大門內東廊房
後抱珥山舊廟遂廢未幾郡人稱改建不利二
十二年巡道張介祺復建還舊址其在城東者
爲東關帝建還者爲西關帝今東西二廟並列
道光十五年東武廟損壞護道張培春總兵謝
得彰率屬捐修

舊志增

天后廟在海口所元建明洪武間累葺商人譚海
清等建後寢三間築觀音山及塑諸神像清
朝雍正七年監生陳國安生員楊鳳翔等募建
大門三間十二年知縣鮑啓泌詳准在海口關

稅內支擔規銀四兩四錢辦春秋二祭乾隆十一年陳國安復募建廟前舖屋十間歲收租銀以供香火

舊志增

妃姓林氏福建莆田人都巡林公愿六女宋宣和中朝廷遣使臣航海中流遇風賴神以免使臣路允迪以聞紹興丙子封靈惠夫人壬子加妃號元以海運足國加封天妃明洪武間革百神號惟存其始封永樂建國幽燕資海運己丑詔中貴鄭和建廟於儀鳳門太常少卿朱焯齋祝封神爲護國庇民妙靈昭應宏仁普濟天妃 國朝加封爲天后出處見

瓊山縣志

卷五

建置五

壇廟

五

靈著錄封爵詳類稿北京天妃宮記迄今渡海往來者官民必告廟祭卜而後行靈異甚

著舊志纂

昭忠祠舊在城隍廟西廊以祀陣亡官兵鄉勇嘉慶八年奏准另立專祠後圯道光十四年署遊擊何朝亮倡率郡城文武捐俸移建鎖鑰門外大慈寺左巡道張培春有記

郡志

忠義孝弟祠在縣學宮之左雍正二年署縣趙光緒奉文建設乾隆四年六年疊遭颶風傾圮十年知縣楊宗秉捐建原與名宦共祠道光二十八年巡道黃宗漢移建於名宦祠前

舊志增損

欽遵

雍正元年

恩詔查明應入祠祀之人製造木主安奉祠內共一十

四位

舊志

今查祠中牌位名數尙有十二位合載於下而書增補二字以別之

宋謝

謝富明冉安國

元周

周紹仁

明榮

榮瑄

王郝

郝信盤

增補唐鄭

唐鄭縝李廷祖

周陶維

陶維英徐輔聖

林昌楨

清

存禮

增補吳位和

節孝祠在縣學宮之左雍正二年署縣趙光緒奉

文建設乾隆四年六年疊遭颶風傾圮十年知

縣楊宗秉捐建原與鄉賢共祠道光二十八年

巡道黃宗漢移建於鄉賢祠前舊志增損欽遵雍正

瓊山縣志

卷五

建置五

壇廟

六

元年

恩詔查明應入祠之人製造木主安奉祠內共五十八

人舊志

唐符

鳳妻玉英

元王

和妻蔡氏

元

閨女唐五妹

明

屠經側室畢氏

明

許揮謙妻陶氏

明

閨女陶金娘

明

謝應昇妻韓氏

國朝

王賓妻吳氏

黃世賢妻尹氏

屈氏失其夫姓名

張元璐側室楊氏

王尙策妻李氏

李捷魁妻趙氏

林學文妻王氏

周璧妻葉氏

馮兆英妻黃氏

洪嘉素妻黃氏	周乘穹妻潘氏
吳蔭昌妻高氏	陳今興妻吳氏
陳宏謨妻符氏	馮偉運妻吳氏
吳毓奎妻伍氏	陳 爍妻王氏
陳宏藝妻曾氏	吳有要妻陳氏
楊朝選妻劉氏	陳宏綽妻鄭氏
許世華妻馮氏	周建賢妻盧氏
陳毓英妻周氏	陳邦祚妻劉氏
黃元先妻陳氏	羅輝斗妻黃氏
林 茂妻唐氏	吳希聖妻陳氏
丘 傳妻李氏	張 穀妻鍾氏

明

瓊山縣志

卷五

建置五

壇廟

七

王宗義妻唐氏	潘 穰妻陳氏
海 瀚妻謝氏	李元良妻高氏
海 瑞側室丘氏	丘夢暘妻陳氏
清 馮 潤妻陳氏	辜弘昱妻張氏
吳世卿妻蔡氏	杜鍾麟妻李氏
郭瓊泰妻林氏	杜玉麟妻張氏
王 章妻吳氏	呂奇侯妻謝氏
吳文淑妻陳氏	梁萬邦妻王氏
陳毓蛟妻周氏	王 鈞妻鄭氏
王元輔妻潘氏	吳 琮側室謝氏

案備孝牌位列到嘉慶初年以後尚未列入

漢二伏波廟明萬歷三十四年副將鄧鐘始建於參
 將公署旁鐘有文記事四十五年副使戴熺移建
 於教場演武亭西有碑後又傾圮清初康熙五年
 巡道馬逢皋復移建於北郊外大路左有碑二十
 二年知府佟湘年等重修雍正八年總兵李順捐
 修有碑並補刻蘇文忠伏波廟記李忠定書碑陰
 立中門側道光二十九年總兵何巡道林知府蔣
 協鎮吳重修咸豐三年總兵吳巡道江知府壽同
 知劉瓊山李等重修同治年間巡道王澍重修今
 已傾圮惟鄧戴馬李佟諸碑刻尚存詳在金石略
 今道尹朱爲潮移二伏波祠於蘇泉東坡祠東舊

瓊山縣志

卷五

建置七

壇廟

又七

祠廢棄

舊志有略據碑刻補修傑興大挺邕陽三

王國憲伏波祠壁皆傾欹滿目多荒涼歷盡風雨
 棟宇久倒塌牆壁傾欹滿目多荒涼歷盡風雨
 吹樓神靡字所深刻記敘元鼎詳歲時薄伐平南
 遺碑篆額字深刻記敘元鼎詳歲時薄伐平南
 天南垂紀載溯開瓊日筆揮瀆世遠閱緜邈越
 許還昭茲回補傳缺大元鼎詳歲時薄伐平南
 置郡由邳離炎荒被文教化風俗移新息兩交
 陞焉飛站王師珠厓傳檄舉復見漢官儀天伐炳
 波實爲西銘夷萬古啟荒徼世登咸熙鴻自伐炳
 史策功銘鼎彝千古啟荒徼世登咸熙鴻自伐炳
 迄今廟宇隨地宜瓊累代有祝炎宋碧輝岐明
 移演武場清建當道逵瓊代有祝炎宋碧輝岐明
 貞珉紀勳績蘇李先螭戴制節大明新建捐俸
 賫選材負勳績蘇李先螭戴制節大明新建捐俸
 闕遺副使扶風裔重修書助規制節大明新建捐俸
 寄遐思補刻文忠裔重修書助規制節大明新建捐俸
 見功勤施清高肅祠變往瞻英姿偉績垂不朽
 奕禩還勤施清高肅祠變往瞻英姿偉績垂不朽
 將軍威風震邊陲流傳千載感戴罔私忍教

道墜地後世人莫知曠觀西南洋偉人開國基範
金鑄遺像紀念無窮期吾瓊號鄒魯竟廢前哲規
漢業肯自愬歐風渺難追惟留此遺湄
炳如日星輝歷劫仍不磨光照瓊海湄

呂祖祠在城北鎖鑰門外大慈寺右嘉慶十二年知
府張增建有記二十年知縣萬鼎琛重修原置雙
簪田一契交大慈寺僧收租以供香火詳載碑記
今廢郡志

蘇文忠公祠在城西社稷壇之東南隅舊在城東門
內康熙癸未巡撫彭鵬命雷瓊道副使黃國材知
府賈棠同知姚哲移建於此與明丘文莊公濬海
忠介公瑞三祠並列蘇祠居中丘祠居左海祠居
右外繚以垣而各爲一門門前石坊分列彭鵬有

瓊山縣志

卷五

建置五

壇廟

八

記姚哲有記乾隆二十一年知府護理巡道左興
倡捐同官紳重修提學使劉星煒有記道光十年
知府普祥倡捐官紳重修同治七年知府戴肇辰
撥公款重修光緒七年紳士馮德驥吳爲熙稟請
道府重修官紳捐銀一千餘元丘景騰捐銀一千
元鄧開基總理工重重建八月始落成據碑刻

明副使王弘蘇祠詩四百峯頭袖裏風羅浮疑在
半天中小坡作伴和詩苦春睡何如飽飯同前度
是非今却是後來公論本還公不慙我爲翻詩案
留得聲光隔海通瓊臺化被仰高風多少兒孫
禮教中著述不嫌天地老姓名直與古今同一
鼓鑄應憐我幾度羹牆得兄公昭代式崇新廟
休光先傍
九霄通

丘文莊公祠在城西社稷壇之東南隅原在景賢祠

與蘇公合祀康熙癸未年巡撫彭鵬命雷瓊道副使黃國材知府賈棠同知姚哲捐建於此與宋蘇文忠公明海忠介公祠並列爲三每歲祀以上丁後三次重修與上蘇公祠同碑記詳在金石略上同

明王宏誨拜丘文莊公詩烏衣巷口夕陽斜祠宇春深護碧沙瘦嶺嗣興唐上相瓊臺應運魯東家名高翰苑推世樂勳華宸王承烈詩五鄉里衣冠今不幾八名世樂勳華宸王承烈詩五鄉里衣冠今上見靈鍾秀毓濟時才文績自章大推班馬著述於溟地脈何曾斷文字全將氣運開奇何文憲文莊公溟生日謁祠詩嵩生嶽降古名賢奇何文憲文莊然張李余崔稱相業關閩濂洛紹新傳排胡公慮中含笑在論史先將正統編今洛紹新傳排胡公慮重泉

海忠介公祠舊在城內城隍廟明萬歷間署府事雷

瓊山縣志

卷五

建置五

壇廟

又八

州推官高維嶽申請爲專祠以祀康熙癸未巡撫彭鵬命副使黃國材知府賈棠同知姚哲建祠於城西社稷壇右與蘇文忠公丘文莊公祠並列爲三彭鵬有記後三次重修與蘇丘二祠同

張世熹拜一忠介公祠詩瞻仰祠前百拜連居然身入玉壺天一輪烈日明秋水千古霜風洗暮烟世弼安河流漸下生民塗炭命如懸只今聖主需良事江先得先生作九泉王承烈時補天誰識寸心丹九死孤臣萬慮攢有是松筠同勁節由來鐵石卽忠肝千秋烈日輝霜簡一代合同風蕪露檀正氣

十賢祠在城東門內舊爲東坡祠後附主祀郡守王

伯貞徐鑑二公明成化間知府蔣琪於學宮舊址建祠專祀王徐二賢宏治初知府張英遷祠於兵

備道署右十年提學僉事宋端儀祀二公於郡學
仰止堂正德辛巳兩學生員呈請與漢路博德等
十七人祀郡名宦而於王徐二公祠內附入憲副
游公璉名三賢祠嘉靖間士民請附祀太守張子
宏又名四賢祠萬歷戊午士民請以原任太守史
朝宜附祀改爲五賢祠每歲丁後致祭後增祀學
道胡公訓魏公成忠知府李公多見蔣公一鴻更
名九賢祠歲久傾圮康熙癸未知府賈棠建蘇丘
海三公祠重建於三祠之左又因士民蕭元長等
公請增入鎮守總兵王公起龍附祀名爲十賢祠
志舊鎮守范時捷有記刻石今祠圯碑存

景賢祠在北門外卽竒甸書院故址丘公常讀書於
其中向祀宋蘇文忠公軾明正德間禮部尚書劉
春以丘文莊公濬著書垂訓有裨後學奏請與蘇
公合祀詔賜額名景賢祠每歲丁祭嘉靖副使何
元述復修萬歷副使蔡夢說知府翁汝遇以文莊
孫爾毅爾懿請遷於社稷壇之東南隅國朝郡守
佟湘年移祀蘇公於金粟原祠此祠專祀丘公康
熙癸未巡撫彭鵬命特建蘇丘海三公專祠而景
賢遂廢知府賈棠因捐俸復建景賢祠於竒甸故
址祀蘇丘二公外增祀唐太尉李公德裕宋宰相
李公綱趙公鼎宋學士胡公銓任公伯雨李公光

使千載下知此數賢謫官於瓊藉以增重而不失

景仰之意今圮舊志

學使樊澤達景賢祠詩皇帝五四十六年夏奉命乘
榭上瓊島祝融之國浮鼉五指中撐雲縹緲天
下郡縣連海復內獨此探然得珠海來施羣情網服
瑚雌霓連捲復天嬌塞蒼昊名賢矣唐太尉肇明黨
言靡譎撫祠正氣羣猶懷不還詩矣唐太尉肇明黨
拜手景賢祠正氣羣猶懷不還詩矣唐太尉肇明黨
相傾公稍蘇與一任後先崖置鄰黎詩矣唐太尉肇明黨
可秦樓了傍文檠與一任後先崖置鄰黎詩矣唐太尉肇明黨
惟遠徙亦一傾枯書彼幻一羣小生道甘泉窮與地
公一遊酒人亦一傾枯書彼幻一羣小生道甘泉窮與地
詎遲早名臣輩出奸宋雄南此餘斥三索淹去住同髯蘇
餘生口強詞能令奸宋雄南此餘斥三索淹去住同髯蘇
先後兆繼者胡公化舊寓胡寧公不居心掃塵昔昔有夢邵
武後傳黎首尚知光皎國臣寧公不居心掃塵昔昔有夢邵
和胡公相傾倒庚疊與五壇廟又九如夷終壽

瓊山縣志

卷五

建置五壇廟又九

考邵武遭際高宣宗和容年直防道秋之議南仲不撓復振譖數人兮
黃與汪復沮高宗容年直防道秋之議南仲不撓復振譖數人兮
前後流荒或黨禍以骨人傳萬古水自唐文迄宋挺生綿邈
或排租議或黨禍以骨人傳萬古水自唐文迄宋挺生綿邈
盛時旦瓊曉毓始景賢文藻蘇補與配正綱香繞統生綿邈
術常旦瓊曉毓始景賢文藻蘇補與配正綱香繞統生綿邈
久眺古躋雨思催一望荒祠蘇補與配正綱香繞統生綿邈
山望古躋雨思催一望荒祠蘇補與配正綱香繞統生綿邈
見懷抱尚主有景賢文藻蘇補與配正綱香繞統生綿邈
文莊作地尚主有景賢文藻蘇補與配正綱香繞統生綿邈
墮醜人當思所紹祠增祀安可少政公名日杲杲日先賢
清醜人當思所紹祠增祀安可少政公名日杲杲日先賢
郡守賈棠詩勒石回使旌下勝取不機能去公名日杲杲日先賢
總守賈棠詩勒石回使旌下勝取不機能去公名日杲杲日先賢
南州大宦遊之國哲頓令後起生置遐思地來齊心守豈
謫宦遊之國哲頓令後起生置遐思地來齊心守豈
身雖歿此名存君歷高風猶可蘇數忠良同地一名土臣守豈
軍高亭望此名存君歷高風猶可蘇數忠良同地一名土臣守豈
似子雲三朝辛苦憑忠室文忠蘇數忠良同地一名土臣守豈
同諫半年辛苦憑忠室文忠蘇數忠良同地一名土臣守豈
趙相咸時剛匡社稷餘疏草邀誰聽外兼人乞劍斬王倫公
上客更愛剛方李或參斥會懷奸兼人乞劍斬王倫公

化亦怡然忠史論文真得郡內當年賢相憂
盛危明進忠謹衍義書成補治平即今年傳在重西山
上規模秋菊春蘭申肸微言未足重羣公千秋
舊世徒瞻仰唐宋中衰未棄時危往往生名世
萬世樊庶詩墜天瓊君遂作流賢地太尉殊勲潞
江都還支欲墜天瓊君遂作流賢地太尉殊勲潞
隻手六箴憂國更忠尤諤邪在側難文氣散珠
澤聞海雲上大宋獨立蘇清風吹水國惟將字託
崖碧何辜島上宋大蘇清風吹水國惟將字託
才防秋主戰不破時官猜偉然六十事傳青史百
烟瘴來德翁不官猜偉然六十事傳青史百
七尺若鴻毛妻孥敵何足戀胡公請斬萬里倫
一疏懸日月新敵千金求片藁儋崖萬里倫
孤臣太傅忠誠天知節如岳世難不移身隨當
尾歸何處亘古還地百粵悲參政廷爭詭日甘
時國是尚能溟海重存亡顧議人眼痛往社日
危好是將溟海重存亡顧議人眼痛往社日
禦魑魅此時尊尚麟鳳千載賢欲賈公崇祠
合祀四時復以文莊主席高卑欲賈公崇祠
我來瞻拜無極外集如生席高卑欲賈公崇祠
凋零獨喜天留海集如生席高卑欲賈公崇祠

瓊山縣志

卷五

建置五壇廟又九下

黃陂姚哲非節義文章舊典有型定評弔古獨深貞
一時流逐公論千載賢奸有藻馨香處天海孤
宋恨招魂難盡楚湘情只今蘋藻馨香處天海孤
懸絕代名難盡楚湘情只今蘋藻馨香處天海孤
新安王贊詩兩朝難抱數公留奇劫天教海外遊
遺老非因鈞黨至功臣偏惹謗書酬鄉思好借同
堂慰客路何堪萬里投獨喜文莊稱地主後先俎
豆並千秋何堪萬里投獨喜文莊稱地主後先俎
數百年來人盡往二千石亦至頑廉屬後起却慙俗
風臺滿座續紛化雨稠余亦至頑廉屬後起却慙俗
吏對名流

歐陽郡守遺愛祠在郡城學前街萬歷四十七年建

刑部江西清吏司郎中邢祚昌有記詳金石志靈

山六神祠有遺愛碑銘舉人吳鉉鐘撰四十八年

通郡紳民同立新補

案舊志不載歐陽遺愛祠因易代時爲僧所占改

名□土寺採訪不及故遺漏今據碑刻補入

梁忠烈公祠在西關外祀梁公思泰有祀生雍正

七年副使王璠知縣楊仙椿重修

舊志

江張二公祠在海口城外天后廟右江公名起龍歛

縣人正直剛勇勤勞王事任海安所副將屢剿

海寇瓊境賴安康熙五年七月提兵出洋巡視

遇颶風覆舟公英靈不泯每風雲陰霾顯靈海

上往來舟楫多賴護庇康熙二十六年郡守佟

湘年詳請兩院建祠祀之配饗則濟南張公瑜

也康熙二十年海寇楊二謝昌踞海口城公時

爲虎頭門副將統兵赴援獲船馘賊救回被擄

瓊山縣志

卷五

建置五

壇廟

十

男婦甚衆同時有商人謝謙殺賊殞命瓊人賴其力稍緩賊勢稱爲義士又有倉大使崔祥隨巡道范養民出郭禦賊遇害俱附祀於廟雍正九年布政司黃仕俊奏請封號

欽定爲英佑驍騎將軍之神行商陳國安楊翔鳳黃河

清何良珍等募金卽舊祠重修大門增建牌坊

雍正十年知縣鮑啟泌詳准卽本縣城濠租銀內

支辦春秋祭品學使翁方綱有記歲久漸圯乾

隆三十八年合郡官紳商民公捐重建知府蕭

應植有記

舊志增○按濠租今久不徵收

北帝廟卽眞武廟原建城中後移城北譙樓上雍

正五年太守宗公思聖重修神像撥奉裁天主
堂苗田三丁以爲常住舊志

晏公廟在小北門內元封神爲平浪侯鄉人至今

祈禱舊志

謹按神姓晏名成儒江西清江鎮人濃眉蛇
髯面若黑漆生平疾惡如探湯人少有不善
必曰晏公知否元初以人材應選爲文錦局
堂長謝病歸登舟卽逝時靈顯於江河湖海
舟行遇風叩之卽浪平風息明洪武初有司
以其事聞詔封爲顯應平浪侯江淮間香火
甚盛邱文莊屢禱有應建廟於下田村祀之

瓊山縣志

卷五

建置五

壇廟

十一

國初移建於子城小北門內

馬王廟在子城內馬鞍街其廟原係鍾司徒芳屋

宇 國朝順治九年總兵高進庫改建今與火

神並祀舊志增

華光廟在小北門外歲以九月二十八日有司致

祭郡志

孚惠伯廟舊名潘天仙祠卽東湖神君廟在城東
十五里博茂都相傳宋時有巨室潘姓居此一
夕飛昇去其宅遂陷爲湖官民立廟湖上祀之
元時天旱湖中有物柱立高十餘丈須臾而仆
其聲撼地不二日大雨後歲旱請水祈禱輒應

廟久圯 清朝康熙四十五年知縣王贊重建
歲撥湖租銀四兩入廟支用雍正七年知縣楊
仙椿修乾隆四十二年知府蕭應植修有記嘉
慶十年巡道海祥修碑記尙存道光四年歲大
旱闔郡官紳禱於廟雨立至邑人李流芳等具
呈巡道周鳴鑾知府呂子班詳請封號五年奉
旨勅封孚惠伯歲以五月上辰日致祭郡志

靈山廟在靈山宋元建祀靈山香山瓊崖定邊通
濟班帥六神明洪武三年例勘該祀神祇知府
宋希顏以其能興雲雨禦災患奏入祀典以三
月九日致祭新官必先謁祀是日忌雨成化間

瓊山縣志

卷五

建置五

壇廟

十二

副使涂棐禱雨輒應始大其廟有記萬曆壬子
郡守翁汝遇重修改自俯瞰長江郡守歐陽璨
築外垣墻通判潘大熙撥入田米三石推官傅
作霖撥入田米四石省祭郡志謂省祭未詳何官 陳九叙

捐入田米三石原派張吳英岳振文鍾秀英華
民夫修理祠宇及應接各官謁祀康熙乙酉年
臬司黃國材雷瓊道焦映漢瓊州府賈棠重修
雍正七年知府宗思聖修乾隆七年知縣江日
暄重修并捐置張吳田一坵租米六升八年署
知縣左鵬捐置張吳都田二坵租米八升八合
十年知縣楊宗秉捐置振文都柄杓瓊秀田二

坵租米九升三十年知縣汪厓捐置田種一石
按年收租以供香火舊志增

以上壇廟祠宇三十二所除十賢景賢二祠
已圯外其餘三十所每春秋二仲或誕節皆
官致祭□卷九 祀典類其中如文昌關聖祠廟別見
及一切里間募建神號不在祀典者均附於
後

文昌宮在西關內總兵署右原進士楊愷故宅生
員許一卿王之乾等買建順治己亥總鎮長子
高明魁修旋塌里人黃鼎捐募重修置田一丁
半米四斗六升又置縣前東西舖屋二間南門

瓊山縣志

卷五

建置五

壇廟

十三

外舖屋二間後圯 國朝乾隆三十年邑紳吳
位和倡衆捐修又置道前舖屋二間現每歲收
租銀爲奉祀之費舊志增○以下俱舊志

文昌祠在小西門原黎婺廟基鄉官廖士衡王鉞
同衆改建範賢義學祀朱呂二公明萬曆乙巳
地震傾圯四十五年鄉官盛尙志王一造合衆
捐建文昌閣有記久廢地址猶存

國朝嘉慶二十年邑紳伍鳳翔符顯鐸等倡捐改建
北向道光八年邑紳林瀛等呈請知縣蘇榮仍
改爲範賢義學咸豐四年邑紳鄺貞於祠之左
倡建客堂二間祠後原有舖屋外內五間歲收

租爲香火費舊志增

文昌祠在文峯塔前康熙四十七年知縣王贊建塔勢孤矗建祠配之正殿三楹兩廊六楹塔傍茶亭塔後觀音堂各三楹又捐置田七丁養濟僧人買舖一間租銀六兩以供祭祀有碑其田坐落麻長文貢村米若干詳除糧訖道光五年知府呂子班倡捐與塔並修邑紳符魁泰陳瀛董其工役舊志增

按祠於郡爲丁位形家謂其文昌文塔兩兩相映足以納離火而助文明本志則此祠亦闔郡文風所係今其堂基如故郡憲呂公且

瓊山縣志

卷五

建置五

壇廟

十四

率眾捐修與浮粟泉左一祠兩不相涉郡志稱其移此以就彼誤

宋二蘇公祠在城外東北金粟泉上卽粟泉書院舊址明萬曆四十五年副使戴熺復得雙泉建祠於此以宋蘇文忠公及弟文定公同祠題其額曰高山邱止有記 國朝順治初同知馬光修康熙七年左營遊擊易知修有碑二十五年丙寅知府佟湘年重建乾隆十年知府于霈知縣楊宗秉因建蘇泉書院重修十七年改建爲龍王廟三十九年巡道陳用敷建復蘇泉書院五十八年知府葉汝蘭重修並祀二蘇於其中

今仍之

舊志增

按郡憲于公邑侯楊公創建書院合重修蘇祠二進堂舍共四十七間東西二帶俱有正間並回廊乾隆十七年將堂廳改祀龍王二蘇牌位尙有西偏齋舍五間即今建東坡書院處可以安置必不因改一正祠卽并其偏厦而毀之使二蘇無祠祀之所郡志謂蘇祠毀後得公石像者復建祠於舊址之右以祀公似屬失實附識於此以備查

雙泉祠在城外東北浮粟泉上昔人建以祀二蘇先生暨明太守翁公汝遇者也康熙四十五年

瓊山縣志

卷五

建置五

壇廟

十五

太守賈公棠臨高知縣樊庶重修副使黃國材有記乾隆十年太守于公霈知縣楊宗秉重修郡志無雙泉祠而有翁公祠翁公祠卽雙泉祠也前三楹舊祠二蘇後三楹則後人重修合二蘇翁公並祀故其祠仍曰雙泉不專屬之翁公今依舊志存此而翁公祠不復載

藥王廟在城北五里亭西乾隆五年知縣杜兆觀倡率士商捐建廟一座三楹厨房一間延習醫一人居住調養孤貧疾病乾隆七年知縣江日暄詳准撥定安解司充公榔羨銀三十六兩七錢一分二厘臨高解司充公榔羨銀一十六兩

六錢四厘一毫逐年奏銷屆期解瓊山縣支給藥餌口糧之需乾隆十一年知縣楊宗秉捐俸增建向北迴廳三間兩廊廂房各三間捲篷一間大門一間顏曰普濟堂道光五年署知縣張德馨重修今廢

舊志增

龍廟在郡西二十里博崖都宋建廟前有井傍有湖水自龍口流出由井入湖大旱不涸康熙十九年遇旱巡道范養民步禱於廟甘霖立應因捐貲修其廟宇有碑記其地景致甚幽明參政鄭廷鵠致仕讀書於此所建翊正祠遺址尙存

舊志增

瓊山縣志

卷五

建置五

壇廟

十六

柔惠廟在城大西門祀誠敬夫人馮冼氏副使鄺彥譽重修

謹按夫人姓冼氏高涼人高州太守馮寶妻以保障嶺南功陳初冊爲石龍郡夫人隋再冊爲譙國夫人卒謚誠敬事詳隋書列女傳然則石龍譙國乃其封也誠敬乃其謚也今俗稱懿美夫人又稱正順夫人而廟號柔惠未知何昉

南宮廟在南橋前祀火雷子孫泰華三夫人後祀白衣大士順治間僧寂德募建貢生馮侯勒石並祀里中名賢吳垣齋陳秀卿唐必周陳汝中

四先生

今每防並有此廟不可勝紀

泰華廟在城東十里興義圖陳村元建祀泰華仙妃靈異甚著明嘉靖年間旨毀淫祠而此廟獨以救疫濟旱存歲以六月十二日致祭巡道俞廷垣榜曰日月爭光有碑又一在城北五里亭側瘍疥疾求之立效每誕節詣廟拜祝者以千百計又一在城北十里海甸村乾隆六年建又一在城西十五里書場村亦甚靈顯舊志增纂

謹按仙妃本村陳姓女諱玉英元至順二年十月望日辰時以浣紗昇仙二弟追尋並化旬日後見女子紡紗於樹杪火光閃爍空中

瓊山縣志

卷五

建置五

壇廟

十七

語人曰吾蟬蛻於泰華山矣鄉人立廟祀之即興義圖元時所建之廟也而今並祀其二弟曰泰華三仙參採訪冊

東昌廟在縣東二里馬坡村明初鄉人建祀黃王二元帥祈年禱雨屢應

趙元帥廟在小北門外神即稗說所稱天門四將之一

東嶽廟在城外北隅廟廢基址尙存

三仙廟在城南郊二里祈禱多應

林公廟一在西門外大路街一在下田金花村一在下田朱橘里一在子城西南雲路坊而在大

路街者則元時所建神卽木坊人林姓爲雷化
故其廟號雷廟祈禱多應給事中許子偉議毀
之以神入夢乃止

舊志增

張公廟在城西南鵬程坊

宗公祠在海口江公祠右爲太守宗公思聖生祠
雍正年間行商陳國安楊翔鳳黃河清何良珍
等捐金公建

軍門戴公生祠在縣屬水會所城有記今廢

蔡公生祠在城北街祀按察副使蔡夢說有記今

廢

舊志增

李公祠在城中街祀明知府李多見有記今廢

舊志

瓊山縣志

卷五

建置五

壇廟

十八

增

謝公祠在城北隅明萬曆四十三年紳士以太守
謝繼科建粟泉書院作養人材合衆建祠於書
院內祀之因公卒於官轉爲遺愛祠有記今廢
鄧公祠在南門外通津坊萬曆二十七年都督鄧
鍾征黎有功故建祠祀之今廢址存

順

治間郡守時元霖往南湖禱雨有應士民立時
雨長思碑於址上

仁孝祠明洪武初孝廉文以純文秀合族捐建置
義田六十餘丁追祀上祖垂濟族人嘉靖間憲
副史朝宜名其祠曰仁孝有記

孝義祠在縣東南博冲村元建祀孝子王紹明成
化間鄉老黃福重建有碑記以上俱舊志

翊正祠在西湖上明參政鄭廷鵠建祀宋周程張

朱明陳白沙六君子

黃志

義祠在西門外邑人爲訓導王練教諭海應乾建
歲以仲春聚城鄉子弟祀之鄭廷鵠有記同上

忠勇祠明嘉靖三十六年知府黎秀建以祀禦海

寇陣亡官兵陳進等十五人

全上

天后宮在郡城內總兵署前嘉慶四年建

郡志全下

龍王石廟在鹽灶村廟後有明時碑題云石泉靈

應

瓊山縣志

卷五

建置五

壇廟

十九

康王廟在小西門內馬鞍街雍正間增貢生鄭正
捷遷建於達士巷乾隆三十年邑人鄭宗漢改
建前爲廟宇後爲西城鄉塾道光十一年生員
楊華倡衆捐修

西天大士廟在海口所城西二里許明鄉官王佐
靈顯海上祈禱立應故海口商民虔祀之乾隆
三十年生員林拔瓊倡衆捐修

志傳稱佐初授高州府同知年八十餘卒所
居多刺桐樹因號桐鄉今觀廟牌云初授桐
鄉令卒於海上此俗傳之誤臨高教諭謝光
輔嘗著說以辨其誣

靖海廟在海口城北門外

文武二聖廟一在蒼驛頭舖村乾隆年間建一在開文圖加祿堰乾隆年間建道光十年監生謝天俸等倡修一在道聘村道光九年廩生王魁衡倡衆捐建

郡志增

考古祠在縣學右考古臺故址祀明教諭趙謙今圮

小靈山廟在城南七里大路旁有巨榕覆廟前土民祈嗣屢應

舊志

黎母廟在府城西元建舊傳雷攝一卵在黎山中生一女歲久有交趾人渡海採香因與爲婚子

瓊山縣志

卷五

建置五

壇廟

二十

孫甚衆是爲黎母乃黎人之祖也廟已久廢其基址後人更番改建詳小西門內文昌閣下

舊志增

天花宮在城北鎖鑰門外乾隆間編修吳典建久圮基址尙存道光十四年護道張育春捐建

華仙廟在府城隍廟右嘉慶十四年官民捐建

歐公廟在城西北五里道客村

以上郡志

雷祖廟在頓林都土人俱言其廟址舊皆長林豐草忽一日天大雷電草木盡燬見有石碑書雷祖大帝四字因而立廟祀之天旱求雨甚應道光甲申大旱知縣于學質詣禱雨卽大降道憲

周鳴鑾送額曰雲行雨施縣主于送額曰赫赫
厥靈採訪冊
下全

洗太夫人廟在縣南七十里梁陳都梁沙村官民
同建內祀馮洗氏夫人神甚靈顯數百里內禱
祈者絡繹不絕每逢誕節四方來集坡場幾無

隙地採訪

洗太夫人廟一在海口得勝沙咸豐四年參府黃
開廣同商民建以酌戰海匪張十五得勝之功

採訪冊

洗太夫人廟一在蒼興一都明邱文莊公未第時
禱祈有應欲新其廟而艱於石神示以夢得石

瓊山縣志

卷五

建置五壇廟 二十一

柱十餘條長俱逾丈用之不盡公建廟落成並
造廟前一橋又置田爲祭費其鄉遂祀爲通圖
郡主因增建廟一座至今文莊公裔年年詣廟
拜祭

調龍廟在城東五十里演豐交界處祈雨多應

按郡城海口每坊中莫不有所祠之神各村
各鄉亦莫不有所建之廟祀典不及祝史難
詳今但擇其事蹟畧顯及原志所載者列之
其餘則概從略

建置志六 都 市

廂都 ○鄉今各領廂都圖共圖計一百四十七

豐好鄉在縣南領廂都圖一十五 都今當一作十領廂

東廂一 東廂二 西廂一 曰今分廂為一二

乙東莊西廂 西廂二 那梅都 今改文

豐好都 頓林都 涇州都 日今涇分州為里二

甲涇州 海口一 海口二

上那邕 大那邕 原那邕下 文煥都 原博

大來都 鳳來都 今改永

五原鄉在縣西領都圖一十三 今當作領都

五原都 德慶都 原二五 振英都 原志蒼仍驛其今

瓊山縣志 卷五 建置六 都 二十二

舊名稱誤為 興政都 上石山都

文盛都 原山下石 秀瓊都 原山下石 石巖都 今從石巖

文秀曰冠南今文秀又改為聯興 烈樓都

鳳樓都 乾隆二年間 大小英都

泰英都 秀豐都 郡志都

內義豐鄉在縣東南領都圖一十四 今當作領都

英育都 原興 華英都 原興 振文都

大攝一 大攝二 大攝三

那社都 郡志一作 迎恩都 原那社二今從迎恩

萬都一 萬都二 蘇尋一

蘇等二 蘇尋三 永興都 新

今查內義豐鄉有慶善都萃英都俱新增

外義豐鄉在縣東領都圖二十四今當作領都圖三十二

東昌都 上東岸今分爲二曰上東岸今分爲二曰上東

下東岸今分爲二曰下東岸 張吳東

張吳西以張吳一都今郡志 張吳都

鍾秀都郡志作張 博茂一今分爲二

一里博茂 博茂二今分爲二曰博茂

大林一都 大林二都 興仁都郡志云二

都按而以大林二都爲大林一都並列今郡志無大林

疑二都 桂林都曰桂林一桂林二

文林都原二小 興義都郡志云曰原名興義里興義甲

瓊山縣志 卷五 建置六 都 二十三

興文都原二興 豐華一原一符 豐華二原二符

豐華三原三符 調塘一 調塘二

調塘三 調塘四 演順一

演順二 演順三

遵化鄉在縣南傾都圖八今當作領都圖一十二

東潭都 龍塘都 大挺都

傑興都原小 大小偶郡志作六年改 註

托都 鄭都 抱元都

今查遵化鄉有懷義保西義保東河都三圖俱

新增又有龍塘都據採訪冊云原名沙塘府志

重修未改今查郡縣志俱無當係新設而府志

漏載

仁政鄉在縣西南領都圖二十二今當作二十八

暫都 尊都 宅念都原宅念二

那環都 雷虎都 梁老都

永都今分永都東保西保東保又分永都

上游都新增 西潭都 梁陳一

梁陳二今分東梁二曰西陳 原宅都

東洋一 東洋二今從東洋分出

射釵一 射釵二以上二都今郡志

蒼原一 蒼原二 西黎一

西黎二 林灣都郡志云以上二都俱熟黎向化近始編差

瓊山縣志

卷五

建置六 都 二十四

今查仁政鄉尙有西黎三一圖其從西黎三析

出者曰蔭棠都踵科都富穀都集雅都崇德都

此外又有冠南都安仁都環瑯都懷義都南坤

都俱新增安仁都縣房查隸五原鄉環瑯都房

未詳所隸懷義南坤二都房查漏採訪册云俱

仁政鄉領安仁都即永安仁市分隸冠南

永興鄉在縣南領都圖一十五今當作十六

麻長都 白石都 博盛都原博里分一

為二曰博盛 邁別都今一分邁別二曰邁

里仁都 聖鹿都原獨名坡按郡志作聖虎蓋

博里乃博盛 官隆一今里分官隆二曰官隆

官隆二

官隆三

今分爲二曰官隆三曰官隆

官隆四

符今莊分爲二曰官隆析出者曰樂育英隆四

蒼興一

蒼興二

綏豐圖

麻釵都

一今分爲二曰麻釵

開文都

郡原志東仍黎其一

舊名今作東黎一都

德興都

郡原志東仍黎其都

舊名今改德興二

崇文都

年民立國四

墟市

那抽市

都在托

石橋市

念在都宅

舊州市

西北南博釵盛

烈樓市

都在本

東山市

釵在都射

塘萌市

東頭市

一在博茂

大林市

林在都大

邁敖市

山在下都石

博菴市

都在白廢石

道畔市

泰在英小都英

瓊山縣志

卷五

建置六都市 二十五

乾橋市

七在大挺爲都道光二十

嶺脚市

長在都麻

羣蕩市

塘在都調

龍塘市

塘在都沙

新那邕市

新市

岸在都下東

塔市

順在都演

靈山市

吳在英華岳張

文鍾秀

坡茅市

赤草市

二在大攝一

五原市

都在本

雷虎市

賢在本地都設并建初吳亭啟

譚文市

三在都官隆

蒼驛市

廢

博堂市

廢

邁黨市

廢

石山市

都在本

崩溪市

釵在都射

那邕舊市

廢

那邕市

那在上邕

茄柄市

調在蘇一尊都三

崩溝市

廢

大井市

廢

邁犢市

廢

邁堂市

廢

橋蘭市

廢

大埔市

廢

屯昌市

都在新西招黎

三江市

在雍調正塘三年設立

甲子市 在雍正四年設立

鹿都 邁盛市 在乾隆元年設立

山頭市 在乾隆二年設立

文都 培龍市 在乾隆元年設立

上城 培龍市 在乾隆元年設立

北門官市 在乾隆元年設立

里乾 咸諒市 在乾隆元年設立

龍窩墟 在乾隆元年設立

圖中 龍山市 在乾隆元年設立

黃嶺市 新招 山馬市 新招

坡芴市 在南招坤 大昌市 在西至東直街

瓊山縣志 卷五

橫街 鍾稅市 在鹿都乾隆年間

會文新市 在東屯聖鹿公建豐界

調龍市 在嘉慶元五年符岐建豐界

安仁市 在嘉慶元年與澄界

美黨市 在嘉慶元年與澄界

水上市 在嘉慶元年與澄界

文嶺市 在嘉慶元年與澄界

金墩市 在嘉慶元年與澄界

咸來市 在嘉慶元年與澄界

三元市 在嘉慶元年與澄界

雲龍市 在嘉慶元年與澄界

敬邀 龍蔭市 界在東堡洋里二龍圖并丙村之東地
衆同建 以之璋等邀 隆在官隆一石里永盛國三二圖年係官
登裕林 建以之璋等邀 隆在官隆一石里永盛國三二圖年係官
衆同建 以之璋等邀 隆在官隆一石里永盛國三二圖年係官

坡芎新市

南間新市

嶺脚新市

在縣東南 美本市 益來市 隆在官隆一石里永盛國三二圖年係官
九在縣東南 美本市 益來市 隆在官隆一石里永盛國三二圖年係官

天長市

美本市

益來市

仙山市

美本市

益來市

仙溝市

美本市

益來市

地屢因收地山興隆三四全方建國縣南一係百隆一十四里慶善十陳姓地
地屢因收地山興隆三四全方建國縣南一係百隆一十四里慶善十陳姓地
地屢因收地山興隆三四全方建國縣南一係百隆一十四里慶善十陳姓地

瓊山縣志

卷五

建置六都市又二十五下

靈山新市

美本市

益來市

永都市

美本市

益來市

庵乃王進士之藩茂有之吳孝廉魁朝吳茂
才魁仕等讀書處內有臂入林區額為丙午
未甚發達近時貿易頗盛而此市自即日形衰落成

雷虎市

美本市

益來市

近幾不 峯江市 二在蘇尋三圖萬天都一村西宣建統
成市不 峯江市 二在蘇尋三圖萬天都一村西宣建統

龍發市

美本市

益來市

長發市

美本市

益來市

福安市

美本市

益來市

亞嶺市

美本市

益來市

亞嶺市

美本市

益來市

藤寨新市

瓊界市

施茶市 道堂市 在都文盛

嶺肚市 一名東安

南埜市 在南

洗馬市 在青寧屯

南總朗舖 在加祿圖

艾鈔市 在大水崗

永木舖 在南埜圖

水會所市 宣統三年符瑞王國棟遷水蕉市於水會所城內現商務頗發達

案水會所城建於明萬歷二十八年設撫黎通判吳俸以督捕兼撫黎開示信義設立社學以教化黎人其時輸誠者數百村無黎患者數十年後裁通判缺撫黎無人其患遂沿至今日今觀小會所在大小水崗間近連澄定諸黎崗遠通崖州諸崗地勢最爲衝要倘開設一縣於此並調一營駐紮拊循得人難化黎爲民除瓊州心腹之患書此以俟將來

建置志七

橋

渡

橋梁

水街橋在城南門外元建水自城濠流出經南湖

入海

舊志
全下

文明橋在南關外卽新橋崇正庚午鄉官張希堯

副使兵學道衛成忠建 國朝大風傾圮百總

馮應龍修乾隆三十五年邑人溫維新修道光

十二年邑人符魁泰修水自西洗馬橋來經瑞

雲橋出北冲河入海

舊志
增

瑞雲橋在城外南橋舊名虹橋宋建長六十五丈

廣一丈一尺九洞明天順間副使鄭彥譽增高

瓊山縣志

卷五

建置七

橋

二十七

二尺存三洞萬曆二十一年圯郡守阮純如重

修萬曆三十三年地震復圯鄉人募修四十六

年郡守歐陽璨率官紳重修碑銘尙存昔有亭

今廢乾隆十一年知縣楊宗秉復加修葺

舊志
增

河口橋在城東元建明宏治間知府張桓開河便

糧運抵濠重砌高廣丈餘水自瑞雲橋來經博

冲河入海

青雲橋在東門外峻靈潭南石建明正德辛巳年

僉事汪克章重修并砌石路

洗馬橋在縣西南二里宋建又名馭仙橋水自龍

井流出瑞雲橋經博冲河入海

第一水橋俗名浦一橋在縣西北二里下田村前
元建水出大小英都入海

第二水橋俗名浦二橋在縣西北三里明宣德間
巡檢張孟升建木橋天順間副使鄺產譽更以
石

接龍橋在府城北係往海口通衢郡守佟湘年砌
築以接郡城龍脈久圯康熙四十年知府賈公
棠重建乾隆三十五年邑人溫維新捐修砌石

舊志
增

提橋在縣東南四里頓林都宋建水自那梅都田
間流合博冲橋水達大江入海

瓊山縣志

卷五

建置七

橋

二十八

博冲橋在縣東南四里頓林都宋建水自龍潭流
出達蕃誕江經白沙港入海

五里橋在縣西官路五里明宣德四年鄉人戴久
建久圯 康熙間商人何震淑捐修有記

浦茂橋在城西北六里明永樂間教諭張善教建
水自濱涯流達第一第二橋入海

迎恩橋在縣北七里明正統五年知府程瑩建乾
隆五年水漲衝圯監生陳國安詹必惠生員鍾
世聖募金重修水出田間經此入海

丁村橋在縣西南官道五里水自西湖龍井來流
經洗馬橋達博冲河入海

以上俱
舊志

沙水橋在縣西八里俗名湍昌

桑亦作

橋又曰南送

橋西路二州四縣吏民往來途必經此其水自

田澗流達第二水橋遇霖雨則漲溢難濟橋爲

明正統間知縣朱憲建崇禎丁丑鄭許氏修

國朝康熙丁丑澄邁知縣邱象豫捐俸重建有記雍

正戊申婁縣陳大本應城魏朝聖重修乾隆五

十九年橋盡毀壞片石無存封宜人吳謝氏捐

金命子瑾璋璠復于舊基之東創造石橋長三

丈廣五尺五寸高八尺洞門二又砌石路二丈

四尺翰林吳典有記

參重建湍桑橋記

響水橋在縣南八里薛村前水自西湖流來經此

瓊山縣志

卷五

建置七

橋

二十九

達博冲河入海

舊志下全

和鑾橋在豐好鄉水接響水橋達博冲河

惠龍橋舊名珍瓏橋在縣東十二里知府黃顯見

碑記

邁龍橋在縣東十五里從張吳舖往靈山官路兵

學道馬逢皋捐修

博濟橋舊名博雅橋推官洗沂記以上二橋久圯

明嘉靖丁巳年知縣吳時昭修復

鍾橋在縣東十四里上那邕元鍾姓捐建

買舍橋在縣東二十里大林都元僧無我募建水

自南渡大江流出塞港入海

五原橋在縣西二十里五原都官道宋南渡建

乾橋在縣南二十里挺村官道

白沙橋在縣東二十五里小林都元建水自靈山田澗流出經碌松坡達塞港入海

杜村橋在縣西二十五里宋淳熙間杜公建道光三年下流沙塞田荒爲洿池近村人砌橋加高五六尺以渡舊志增

波蔡橋在縣東三十里小林都僧無我建水自靈山田澗流經白沙橋出港入海

烈樓橋在縣西北三十里元建水自上石山都田

瓊山縣志

卷五

建置七

橋

三十

澗流出烈樓港入海

博達橋在縣西三十里烈樓都鄉人建

博合橋在縣東南五十里萬都元建水自本都田

澗流出那廉橋經舖前港入海

冲尾橋在縣東五十五里往文昌官路

蘇村橋在縣東六十里鄉人建

禿橋在縣西南六十里西潭都

蘇稔橋在縣東南六十里蘇尋都宋建

石橋在縣南六十里宅念都上豎欄杆

梁老橋在縣西南六十里梁老都宋建上豎欄杆今廢水自南湖流出西潭都達江

滿天橋在縣西南六十里梁老都宋建

卜璧橋在縣西南六十里水自南湖滄浪流出滿

天橋上築大堤瀦水灌田數十頃有碑記

那廉橋在縣東六十里符離都元僧無我建水自

萬都山澗流出莊田渡達舖前港入海今圯石

存

邁容橋在縣東七十里那社都明永樂間鄉人吳

瓊達等建萬曆三十三年地震崩陷設渡通往

來四十一年改官路

通濟橋在縣西南八十里蒼原都明正統六年知

縣朱憲建以便義倉運路御史鄭傑命名

瓊山縣志

卷五

建置七

橋

三十一

昇雲橋在縣東九十里邑人張子翼碑記

北創橋在縣東二十五里興仁都係往文昌舖前

官道明建潮水時浸朝築暮傾官批興仁桂林

文林三圖里民遞年修葺准免丁夫有碑記

龍塘大橋在縣南二十里沙塘都

青松橋在縣東三十里桂林都源自陶公山流達

北洋港凡水漲往來維艱明季青松演村二鄉

士民捐募建以石

那慶橋在縣東二十里那慶都

獲龍橋離城七十里在邁盛市乾隆十年吳文浩

吳文溢等協力捐建

馮氏橋在縣東九十里蘇尋二圖烏石溪雍正十一年馮氏通族捐伊祖副將馮文備樂善馮佛護二代嘗銀合建高二丈長十五丈廣九尺併砌石路數里有石碑

橋眉橋在縣東八十里乾隆二年梁嘉賓捐建併砌石路三十餘丈

大路橋在縣東南官隆三地方離城一百里雍正十三年張玉節之母梁氏建造高一丈二尺厚八尺長四丈進士謝寶記咸豐四年李萬蘭重修舊志增○

百谷橋在縣東南官隆地方離城一百餘里係貢

瓊山縣志

卷五

建置七

橋

三十二

生張震蕃之妻陳氏捐修歲貢任連山縣訓導張震亨有記

村頭大橋在縣西秀英地方離城一十餘里康熙六十一年監生周李忠之妻節婦王氏捐修有碑記

西善橋在縣西西廂二地方離城五里雍正七年監生周李忠之妻節婦王氏捐修有碑記

馬凌溪橋在縣東九十里調塘三圖瓊文大路之地長七丈餘高七尺濶四尺餘三洞乾隆六年

里耆林時富捐建舊志增

三江橋在縣東蘇尋一圖離城八十里雍正十三

年貢生馮孝麟捐建長三十丈高七尺厚五尺
併石砌龍窩涖路二道

邁本橋在縣東南大那邕寶蔭村離城十餘里長
一十七丈七尺八寸高四尺八寸寬五尺

道輻橋在縣東南大那邕寶蔭村離城十餘里長
十五丈三尺一寸高四尺六寸寬五尺以上二

橋俱係吏員吳義宗捐資于乾隆四年建造

以上

俱舊志

白沙東西二橋在城東北十里乾隆五十一年編
修吳典母宜人陳氏創建東橋長十有二丈水
門五西橋長七十餘丈水門二十有一有記

郡志

瓊山縣志

卷五

建置七

橋

三十三

全下

復龍橋在海口所南門迎恩坊外今改迎龍橋康
熙二十四年知府佟湘年副使彭顯應同修乾
隆五年水漲衝圮監生陳國安詹協萬生員鍾
世聖募修咸豐三年水又衝圮知縣李文烜捐

修舊志
增

英龍橋在秀豐都乾隆三十四年邑人何士璜建
邁德橋在城東四十里桂林一都長七丈廣六尺
水門五明邑人曾普興普勝合族創建
羣善橋在城東三十里桂林二都長三丈廣六尺
水門二監生曾履廉捐建

邁榮橋在城東二十餘里大林市東乾隆五年林
運山建嘉慶七年紳民重修

博冲橋在城南八十里維泰村西水門三乾隆三
十一年紬士杜攀棧捐建

芙蓉橋在城東十五里靈山市東乾隆三十六年
吳宗稷宗禹重修

崩橋在城東二十餘里張吳西圖水出陶公山入
海儒堂多呂二村顏姓建

履祥橋在城西八里大英村乾隆間邑人黃世傑
建并修石路長二十餘丈

龍舟墩橋在城北十里嘉慶間例貢生林子平建

瓊山縣志

卷五

建置七

橋

三十四

水門二長五丈餘

迎龍橋在城西道光六年商人匯興升記顯利怡
茂等修建長十餘丈

虎橋在東山市西明進士林養高建

卜這橋在蒼原圖卜這村嘉慶十一年邑人許熊建
橋畝橋在宅念圖馮岐村西邑庠馮文選捐建

道平橋在城南十五里上那邕都長二十八丈邑
人馬朝弼建嘉慶二十一年監生梁斗方倡捐
重修

新市拱北橋在城南二十里上那邕都鄉人捐建
水自杜潭經渭溪合流入博冲河歲貢王金簡

有記郡志

太史公橋二一在邕陽圖文斗村地曰文斗橋路通靈山市一在頓林都崩騰地曰騰橋路通郡城一造於乾隆五十年一造於乾隆五十八年皆翰林吳典爲珠良村業師周繼材往赴城市而築而二圖之人亦沾其惠道光十五年其子以敬重修二橋俱加高尺餘郡志

博洋橋在城西四十五里崇禎十五年陳允誠捐建砌石又置田十餘畝垂後修理嘉慶二十年裔孫監生家聲仝衆重修郡志

成產橋在抱元都宋建屢圯屢修道光六年生員

瓊山縣志

卷五

建置七

橋

三十五

何道海倡捐重修高九尺長十丈餘併砌橋頭石路二里往來稱便

潭文橋在萬一都二圖長四丈濶四尺餘邑人王紹先建有碑記以上俱郡志

東門拱橋爲城外之通衢距月城不出二丈原以板度乾隆三十五年邑人溫維新累石砌之其南三百餘步卽爲河口橋亦名少宰橋採訪全

上屯溪橋在郡東六十五里蘇尋三圖道光十六年陳文熙將祖常住建長四丈八尺高六尺水由龍吐橋流經敦崇龍窩等橋通文昌舖前港入海

美楠橋在博盛二都長數丈大可容車周國賦妻張氏造

邦高橋在城東五十里乾隆年間附貢生馮遇春建長十餘丈高七尺廣八尺碑載華亭名卽遇春

羅牛橋在城東六十里附貢生馮遇春建長十餘丈高八尺廣七尺乾隆五十一年孫卽用縣丞鳴珍重修有碑記

善橋在城東八十里蘇尋一圖羅梧村前明崇禎年間郡庠馮宗善集鄉人建本朝合各姓重修渡頭橋在城東十里明黃暎江舊址之前今石圮

瓊山縣志

卷五

建置七

橋

三十六

鄉人駕木度之

庵前橋在城東六十五里蘇尋三圖乾隆十一年調塘乙圖皇瀛村生員陳邦祚妻節孝劉氏建嘉慶年間附近鄉人重修

美興橋在城東六十里道光癸未年蘇尋三圖樂堂坡村監生史士任邀衆捐建水由羣岸大洋流通舖前門橋邈迤數十里由舖前港出海調龍橋在城東五十里演順一圖溪邊塘蓮村王仕元仕隆合衆建

博度橋在城東四十里黃國盛合衆建

電白橋在城東八十里調塘二圖電白村前乾隆

八年陳參儒陳景覺捐衆建

石池橋在城東百餘里開文圖謝以燕捐建

龍吐橋在城東六十五里蘇尋三圖嘉慶初年監
生呂世爵集鄉人捐建

龍窩橋在城東七十里蘇尋三圖龍窩村北明萬
歷年間沈居士建上流有敦崇橋乾隆間鄉衆建
雅黃橋在博盛一都黃家建

仙園橋在城東五十里王仕元仕隆造

北欖橋在縣東南五十里萬都一圖廣七尺高五
尺長七十八丈

竒島橋在縣東南五十一里萬都一圖廣七尺高

瓊山縣志

卷五

建置七

橋

三十七

四尺餘長六十餘丈

南朝橋在縣東南五十五里萬都二圖下流有東
沌橋吳啟泰建又有博洽大橋元建流出那廉
橋達舖前港入海

南宋橋在靈山市南道光二十七年里人吳日舒
何子惠合衆捐建

邁向橋在縣東南四十五里萬都英華界
北堡橋在縣東南五十里萬都一圖

秀砂橋在縣東南八十里文興都

奇樓橋在振文圖

濱洋三橋在城東南七十里迎恩都其橋有三一

在濱洋村前道光初年李姓衆建一在濱洋村東名魚牀橋一在濱洋村東北名北府橋水由田澗流經龍吐橋俱乾隆年間李參宇建龍門橋在縣南七十五里蒼興一都長二十餘丈上流又有羣石橋

旺龍橋在城南十五里潭謝村長二十餘丈王應麟建

續龍橋在梁陳一都乾隆年間武生陳美金集衆全建有碑

北溝橋在縣南七十里梁陳二都通定安官路仁用橋在縣南六十五里蒼興一圖明萬厯年間

瓊山縣志

卷五

建置七

橋

三十八

馮婁建

安樂橋在城南八十餘里文興圖乾隆十一年調塘一圖皇瀛村生員陳邦祚妻節孝劉氏建并砌文昌塘銀盤坑石路二道

老市橋在上那邕康熙年間梁作舟修砌道光年間張世賓梁永秀補築

潭城橋在縣南六十里蒼興二圖

土尾橋在縣南七十三里昌文村黎國璵邀衆建博攔橋在縣南六十里陶公山下三十六曲水中原橋小而且卑遇流急時渡者屢溺道光十一年麻釵圖職員陳傳敬生員杜莊禮生杜宗元

邀衆改建高八尺長三丈二尺水門三并砌石路
六丈輿徒可通人咸稱便

麻釵口橋在麻釵圖長八尺高亦如之歲貢杜嗣桃
全衆建造職員陳傳敬生員杜莊全衆重修

西河橋在麻釵圖大五尺長九尺陳世才建立
邁力橋在城南七十里乾隆年間梁嘉賓造

文來橋在官隆一都乾隆五年袁姓造長五十餘丈
高五尺

鳳來橋在官隆四圖西魯村嘉慶二年庠生陳斐元
邀衆族全建長十餘丈高二丈

美味橋在抱元都國倉村前道光六年杜振國倡衆

捐修高八尺濶六尺長四十丈

美里橋在宅念都道光二十一年例貢馮漢元職員
馮漢奎捐貲建在馮岐村南

邁洞橋在城東南三十二里

北橫橋在城東南三十二里東潭都

北歷橋在城東南三十餘里

白石溪橋在城東南百四十里乾隆年間鄉民武大
升捐建

以上俱
採訪冊

南幹橋在城東二十里咸豐六年提督吳元猷建

福創橋在郡東二十八里興仁圖高五尺長十丈咸
豐七年例貢生蔡紹藻建

瓊華村後有一石橋名曰瓊華橋高約二丈濶約八尺長約五十餘丈自宋朝創建在琴蒼田間及清沙壓水浸乾隆年間移築村後沙又流積擁塞遇有大雨水溢橋面道光己丑年榮山村蔡登選邀集鄰村並瓊華村捐貲補砌增高此第一修也嗣後下流復被沙飛填塞旋又上流水冲成窟橋上水勢漲溢往來行人恒嗟厲揭偶有失足殞命堪虞丁丑年鍾必揚鍾世績譚克均會瓊華村並傳桂村吳世粉海口黃琮潤等散簿捐集鉅款鳩工增築橋始完備此第二修也至今橋路堅固毫無憂慮人咸賴焉

樂安橋在新興市南一里其橋長丈四許寬五尺餘同治十四年王德榮招集商民同建造

三江市外田洋石路並橋長一千丈有奇光緒年間文昌薛其和創建費銀二千餘

林氏溪橋在縣南一百一十里官隆四地方長五丈高九尺濶五尺光緒三十三年梁居國居雲等捐資建築

北充橋在縣南八十里博盛圖維泰村後長五丈高一丈濶六尺維泰村杜韋兩姓全建

荔支羅橋在縣南一百一十里長三十二丈高七尺濶五尺同治年間廩貢梁春暉庠生蔡鏡洲等捐

資建築

響水橋在縣南一百里長四丈高六尺濶四尺建造年失記

瓦窰橋在瓦窰村圮海口東所內職商邱兆麟自捐銀五百餘元於光緒三十二年重修

墨客橋在墨客村邊郡城靖南街職商鍾乾元倡捐府城海口各紳商集銀三百餘元於癸丑年新建路通各村來往便之

白沙新橋在白沙溪邊每遇潮漲難於跋涉海口職商邱兆麟自捐銀八百餘元於民國甲寅年二月興工建橋長而廣涇洲圖立碑王國憲有記

陶宋橋在東溪陶宋村圮爲南北往來要路每逢黎水漲溢洪流奔騰艱於濟渡光緒年間里人陳朝定創首勸捐建之長十二眼濶六尺

渡頭橋在東溪渡頭村南渡近連海支每逢潮汐深不可渡光緒年間里人陳鳳瑞吳朝倫等創舉勸捐得白金五百三十元鳩工建造計長十五眼濶六尺半

邁馭橋在金牛嶺

燕峯橋在葫蘆山海口蘇氏合族建

雲濃橋三眼在桂林洋係寅村吳育位何慶儀林邦材等光緒二十年建

上川橋在大林市南距市二里係官路村張紹典張承三創首光緒三十四年造

遂歷橋七眼在大林市北三里係洋上村廩生林會英光緒二十一年造

咏南橋十九眼并石路一條在大林市西二里係提台吳元猷建參將吳世恩重修

颺塔橋在縣東綏豐圖颺塔嶺西南嘉慶年間陳姓捐建芙蓉橋三眼在靈山市東一里同治年間造

土橋一眼石橋三眼在靈山市南二里同治年間造大撫橋三間學堯橋一眼在靈山市西二里同治年間造

道武橋在縣南三區道武村左道光年間張氏捐建

光緒丙申年張夢霄邀集捐貲重修

夏水隄在緩口圖颺塔嶺下道光年間鄉人募建

邁亭橋

縣南六里

在嶺脚市西係陳天傑光緒年間造

履安石橋一段三門長三丈二尺高七尺在海口長

沙坡民國二年衆士商民捐建

第一橋一所一門長一丈餘在文政坊歐公廟前清初衆士商民全建

第二橋一所三門長二丈餘在文政坊歐公廟前民國二年衆士紳民捐建勒有石碑

深水溪橋在郡南一百二十里桃村後邊光緒三十

二年例貢生周之修邀集創建

善善橋在海口關部前常關建

得勝沙橋在海口關部前右側通得勝沙商民全建
凝善橋在海口高州會館對面李有慶剞首捐建

邕陽濱壅圩岸原用土築屢崩陷宣統二年大那邕
尚道村吳世堯邀監生王釐成潘輝錦王德勝吳
克徽秦人臻王家興馮德孚等勸捐築之以石計
費銀壹千貳百八十餘元捐資僅七百七十壹元
不敷五百餘元均由吳世堯慷慨出資建築完固
溪頭橋在郡南九十里光緒年間武舉陳金滕仝陳
煥文等捐資建造

北山橋在大捫一圖北山之前直約二丈有餘橫四
尺其地與萬都一之東南交界其水由萬都一之
西淋發源流下潭否田南流轉歸於北灌注北山
上洋之田流入北山橋橋下水漸狹成一通溝
昌尾橋離北山橋僅有一里在大捫一圖昌尾村之
西北直約數尺橫二尺有餘其水由北山橋下之
溝水流下
啟班橋在萬都一圖木禮湖村之左直一丈有餘橫
僅三尺其水從昌星村下之溝水流入橋之旁有
田常資灌溉
福龍橋在萬都一圖福龍村之東直二丈有餘橫四

尺其水由啟班橋流入旁有灌注田畝

伯侯橋在萬都一圖卅六曲下流光緒壬午年陳天傑等邀眾全建直二丈有餘橫四尺有餘水由福龍橋流下至此已成溪亦名伯侯溪

北宮山橋在萬都一圖北宮山村之東與蘇尋三交界之地其橋直二丈有餘橫四尺有餘其水由伯侯溪流下灌注田畝

潭文橋在萬都二圖之地與蘇尋三交界係蘇尋三圖對耳村之上而耳僅一丈有餘橫三尺有餘其水由北宮山橋流下賴以灌溉對耳村前後之田畝

博洽橋在萬都二圖博洽村之東與蘇尋三地交界橋之北與英岳圖地交界直有二丈橫五尺有餘其水由潭文橋流下至此溪勢畧大深有一丈餘由此分流逕下第二區之貢牛橋南白橋羅牛橋潭德溪以及演豐之海峽由西淋發源至此約有七十餘里之遠

青龍圖在迎恩圖宅吉村之下流長一丈有餘橫有四尺其水由福地彩溝分流宅吉村曾家集資建築

羅億橋在迎恩文興之交界地直有二丈橫有四尺其水由青龍橋分流經雲雁村之下側合流

光緒四年雲雁村監生吳峻清重修有碑

龍扶橋在大攝三圖龍扶村之前直有三丈橫有三尺其水由大攝一圖峯屏村之旁塘溝流出長流不涸灌注農田約百有餘畝前由聯村集衆建築赤變橋在大攝三圖芬蘭村之前由道崇市往龍發市之路由此經過橋已經崩壞一遇秋雨淋漓行人勞於跋涉其水由龍扶橋流下四面俱係農田但田洋狹隘

繡衣橋在文興圖東岳村之前雲雁村之對面前由二村吳丁二家集資建築中間大洋名曰雲雁洋洋中永路分二條會歸於此在左者由赤變橋流

下在右者由大攝二圖之新村村塘溝中流出由新村至此水路十有餘里以上俱係農田但洋面狹隘

濱洋橋在迎恩圖濱洋村之下直四丈橫僅二尺有餘其水由羅億橋赤變橋繡衣橋會歸雲雁洋合流下注畧成溪勢亦名濱洋溪民國二年濱洋村李文忠重修此橋

魯裔橋在蘇尋三圖魯裔村之北直一丈有餘橫有四尺其水由濱洋溪流水勢洶洶深有丈餘亦名魯裔溪

弄坡橋在蘇尋三圖弄坡村之前直不滿丈橫二尺

有餘其水由魯裔溪流下

龍窩橋在蘇尋三圖龍窩村之後橋通三江大路其水由魯裔溪弄坡橋流下由此轉過出三江海峽會歸大海由大攝二之新村塘溝流出水路至此約有五十餘里

叢湖橋在永興圖叢湖村之上與文興地交界直有二丈橫三尺有餘其水由第四區之綏豐圖七星坡之塘溝流出至此已成溪勢橋下深有數丈福澤橋在文興圖福澤村之後與永興地交界直有丈餘橫有四尺其水由叢湖橋透落流下深二丈有餘

鳳潭橋在永興圖書田村之右光緒年間書田村潘育萬潘應時等以祖項重修直二丈有餘橫有五尺可通牛車橋下深有丈餘其水由福澤橋分流成爲小溪

良田橋在文興圖良田村之前長三丈有餘橫五尺有餘其水由鳳潭橋流來橋下深有二丈乾隆年間文興圖良田村楊家綿集資建築民國四年七月永興圖美毛尾村鄭先猷重修此水流出第二區蘇尋二地以及三江海峽會歸大海由七星坡至三江海峽納百有餘里之遠

溝口橋在蒼興二圖登瀛村西長三丈濶三尺高四

尺同治年間吳道政等邀衆同建

鹹浪橋在縣東演順三圖塔市西二里許橋門三世傳元僧林無我所建七橋之一上通東塘前田下達鹹水大溪居民賴此以便往來

抱歷橋在縣東大林市北五里許抱歷村東橋門四光緒末年洋上村廩生林會英建

新村新橋在縣東三十里宣統元年高山村合族捐建

綠松村石橋在桂林一圖地近海濱溪水環繞鹹潮時至行人病涉宣統二年林東暘等邀衆捐題創建石橋七架經費銀八百九十元有奇當衆公議

撥衆大殿祖坡租或以利息爲久遠修整經費以便行人

後橋在縣東南九十里官隆一里青草村東北長十餘丈高三尺濶四尺王和沂合族同建並築石道有碑記

龍底橋在縣東南九十里官隆一里坡謝村後長十餘丈高三尺濶四尺青草村王姓績祖建築

都行橋在縣南八十里博盛二都美元村後長四十餘丈高五尺濶五尺同治七年陳學義等捐題建築有碑龍

邊全橋在縣南一百里長四丈高六尺濶二尺鄒學

曾等建

南天橋在縣西南八十里梁老圖文郁村前長十餘丈高八尺濶五尺龍燕強等勸捐創建

東山溪石橋在大林墟東南里許十三架長八丈爲瓊文二邑往來要衝崩壞已久光緒壬寅春邑人黃濬林步攀陳龍武蘇昌五等募修行人便之有碑記其事

潭城橋在縣南六十里蒼興二圖建長三丈高一丈濶七尺

復龍橋在海口南門外迎恩坊今改名迎龍屢遭衝圯鄉溺多人光緒丙午年商八周恒昌詹珠圓陳

悅豐等募捐補填並重修南門內直街石路長三十餘丈歲貢陳家修有碑

邁里橋在邁德村西三里許光緒庚辰年附貢生曾慕顏出貲建造長二丈有奇高六尺開水門四顏曰曾公橋有碑

福地才橋在縣東南六十里宅吉村之南長七丈濶四尺村衆同建有碑

青龍橋在宅吉村東乾隆年間曾孫翼建有碑長濶同福地才橋

鎮龍橋在宅吉村之東俗名豆藤橋長四丈濶三尺吳俊清設簿勸捐光緒年間建有碑

龍坡橋在文興圖龍鱗溪邊二村中間橫四尺直一丈有餘其水由鼇山流來深數尺下流入美桐洋美桐橋在文興圖美桐村後橫五尺直一丈有餘其水由美桐滙流深丈餘亦名美桐溪

羅佑橋在文興圖羅佑村之東其水由美桐橋分來美容橋在文興圖美容村右其水由羅佑橋分來逕達大溪以及官橋其發源從龍發嶺到此有四十里之遠

美民溪橋在蘇尋圖瓊文往來通衢長三丈餘濶五尺文昌縣霞洞村邢定三創建

龍弦橋在縣南一百二十里開文圖龍弦村前長一

丈二尺橫二尺水深一丈宣統年村民顏時元集資建築

友梅橋在縣南一百二十里友梅村前有大小兩溪築橋兩跨溪而過一橋直一丈五尺橫三尺一橋直八尺橫二尺其水由龍弦流來深一丈下流入新客溪光緒年間友梅村李邦明建造

祿坡石橋在縣南一百二十餘里祿坡村前直一丈橫二尺其水上流約有十里深六尺下流入友梅溪光緒年間黃紫雲符正文正茂集資建造

牛渡口橋在綏豐圖牛渡口同治四年增生許乃亨耆民周朝端等募建亨有記

王符村北乾橋有三曰浮橋曰高橋曰布當橋水潦暴漲三橋流通上流自西來中流經龍橋市之北七孔橋至道汶南之懸東橋約里許至浮橋又里許至高橋又數百步至布當橋水漲一二月傷耕種頗多下流與楓川合然浮橋或一二年方有流水或數年始有流水浮橋無水則二橋雖有小流亦淺不能傷稼

美人橋龍佑橋芬揚橋在 圖曾氏明時建築在宣德成化宏治年間歷數百年今尚堅固人免病涉舉人曾學一有序

三橋在縣南五十里龍塘市南三里許高乙丈二尺

有竒長二十餘丈分三門故名三橋自明代建築年失考其來源從北點巖逕海爺溝塘巖合麻長與抱元龍塘諸水滙於三橋流入大溪

美眉橋在縣南六十里高六七尺長二十餘丈明代建連溝橋在縣南七十里塘柳村西邊近年吳登崇吳

會等勸捐建築

東善橋在東門外自青雲橋至攀丹埠二里許爲府城通衢每遇霖雨暴漲泥濘難行民多病之光緒戊戌年紳耆聯名設簿巨款始甃以石並連開橋門以通水利行人便之地屬東廂又爲善舉故名其橋曰東善

鰲山溪橋在文興都大任廟右長五丈餘橫三尺深四尺其源一由龍墩嶺峽流出一由雅旺橋合流而下成此長流光緒二十四年馮龍章等集里人捐題重修

龍發橋在縣東南八十里龍發嶺之東龍發市之西爲往來孔道光緒乙卯吳兆祥力謀建築衆議僉同撥吳魁節收掌常住款藉應工費長二十餘丈行人稱便

福臨橋在瓊山中瑞市西十里瓊文各市往來要衝濶二眼長二丈餘高二丈橋梁十條清光緒年間文邑韓桂馨募建

土橋在蒼興二圖永蔭村西北二里許長三丈高三尺濶二尺同治年間吳正德邀衆建

那旭橋在蒼興二圖長二丈高三尺濶二尺同治年間永蔭村吳正茂邀衆建

道路

西南官路離郡五里俱係石地迂由崎嶇官吏艱於來往明中葉間庠生王用禮大小偶都人奉官督修砌石或二丈或丈餘寬狹不等上自大來都下至托都凡六圖有五十里之遙行者稱便冊探訪

府城內大街自大西門直抵府文廟東街并鼓樓橫街及各枝街邑紳吳爲熙倡首勸捐合郡官紳商民海口舖戶共銀貳千餘元於光緒丙午三十二年重修舖以大石以便行人

府城西門外直街咸豐七年舖石小南門內至四排樓一由四排樓至小北門一由四排樓西至大路

街在光緒年間俱衆街舖戶捐集巨款建築

北冲橋至吳太史內橋石路光緒二十五年趙村趙畚伸獨力建造凡七十丈計費銀七百餘元行人便之

海口南所外爲南北往來大道車馬輻輳石成軌寸餘坎坷崎嶇來往大有不便光緒丁酉年海口職商邱景祥林毓傑設簿勸捐中舖大石兩傍夾以石條寬廣砥平適迎恩橋亦遭颶風吹斷采巷口碼頭崩壞并同修理連柵門共費白金一千五百四十五元均由邱林二職商首倡暨陳膺榮陳如棠楊汝宗鍾覲光熊兆祥陳龍蟠蘇建龍梁建

績等捐集督鋪海口脩路自此始刻碑紀事舉人粘世瑤有記

海口東所內街道中鋪以大石兩旁夾以石條光緒戊申年舉人粘世瑤勸坊中捐資鋪砌

北冲石路光緒年間仰寶堂捐資鋪砌由南橋達北冲埠頭長二里許

海口南北所內街鋪以大石兩旁夾以石條接南門外鋪砌由商行捐資砌造

瓊華村前到傳桂村圮有條石路約有五里長路軌崎嶇畫則能行夜必停息行路至此無不嗟歎二村吳愛祖譚克允等合二村勸籌捐光緒庚子年

五月興工壬寅年十一月告竣從此往來行人咸稱便故碑爲記

羣福村之坎修石路數十丈係該村光緒十一年監生陳之瑞等捐題建築

大尼坡村之坎修石路數十丈係該村光緒二十年吳建業集衆建築

舊州埠頭石路光緒二十七年商人邱光國張鍾茂等同衆捐題建築長三里寬四尺行人便之

新客洋路光緒二十三年商人邱光國張鍾茂等邀眾捐題建築長二里許寬三尺

西南官路石地難行明庠生王用禮大小偶都人奉

官督修砌石或二丈或丈餘寬狹不等上自大來都下至托都凡六圖有五十里之遙行者稱

便採訪冊

津渡

博冲渡在縣東南八里頓林都從南渡移建博冲係東路通衢原編渡夫三名官給工食後裁革渡廢 國朝康熙十年頓林都里排陳請照米石買船僱夫撐駕免牌門夫役勒碑縣前舊志全下榕樹渡在縣東五里東至渡頭渡往文昌舖前上下東岸都見年買船撐駕有碑記

蜆村渡在縣東北八里博茂都

瓊山縣志

卷五

建置七

渡

五十二

本利渡在縣東七里上東岸都由博冲河通海田常患水衝歷年工築及置車灌田

麻餘渡在縣東北八里

頓打渡在縣東十里大林都今沙塞渡廢

渡頭渡在興義一都路由榕樹渡往文昌舖前見年照米石買船僱夫撐駕勒碑縣前

楊村渡在縣東五十里那慶都

潭日渡在縣東南三十里東潭都通志作洒塘渡

龍塘渡在縣南四十里沙塘都

麻釵渡在縣南五十里麻釵都

梁陳渡在縣南六十里梁陳都南達石山巡檢司

今廢

麻蓬渡在縣南六十里梁陳都南達石山卽窰霄頭

三合渡在縣西南七十里射釵都

博通渡在縣南七十五里東洋都達定安乾隆年間員山周氏用祖租買船并撥田二丁以給渡

夫糧口

舊志增

海口渡在縣北十里海口都北達徐聞踏磊驛潮起風順半日可至凡自瓊渡徐聞有三處渡口一曰海口官渡一曰白沙古渡一曰烈樓渡自烈樓嘴達徐聞車輪浦較近乾隆三年雷瓊道

瓊山縣志

卷五

建置七

渡

五十四

劉庶詳請海口海安各添設班渡船三隻小三板船三隻以便差使往來署撫王謩具題經部覆准其船式照依水師營拖風船式其造舟工料費用在於落地稅羨銀內動支其大小修拆造例限俱照營制遵行每船舵工水手共一十四人其工食在於司庫耗羨公用銀內支給乾隆三十一年奉裁班渡船二隻止留一隻改爲快槳船今官渡久廢

舊志增

新埠渡在縣東調塘二圖乾隆三年里耆林時富捐造渡船併買田以給渡子工食

以上俱舊志

東山渡在東山市南

郡全志下